


Comienso di proyecto pa fortificacion di estudio pa dokter di cas na Aruba



DESDE 2004 durante e maneho di Minister drs. Booshi Wever a wordo traha riba e proyecto pa fortificacion di estudio pa dokter di cas na Aruba. Na final di aña pasa (12 di november 2008) Minister drs. Booshi Wever y sr. Piet Schoonheim a firma un convenio pa ehecucion di e proyecto ariba menciona p'e siguiente 5 añanan.

Cu e proyecto aki Gobierno

kier duna un impulso fuerte n'e linea di cuidu primordial, esta dokter di cas (Eerstelijnszorg). E proyecto aki tin e siguiente metanan: 1. Introduccion di standarisacion di protocolnan pa tratamiento, 2. Introduccion di e sistema di informacion pa dokternan di cas (huisartsinformatiesysteem), 3. Cuminsa cu e estudio pa dokternan di cas na Aruba, 4. Cuminsa cu

programanan di actualisacion y capacitacion y 5. Introduccion di un estudio pa asistente di dokter. Den e cuadro di e proyecto aki a tene un presentacion diamars dia 17 di maart pa dokternan di cas. E sistema di informacion di Promedico ta un apoyo importante pa fortificacion di e calidad di cuidu cu dokternan di cas ta duna. E desaroyadornan di e plan di proyecto, sr. Piet Schoonheim (hefe di estudio pa dokter di cas VUmc) y sr. Huub van der Erve (hefe di e oficina di colaboracion internacional di VUmc) entre tanto a cuminsa cu implementacion di e proyecto cu colaboracion di Director di In-

stituto Medico San Nicolas, dr. T.L. van Gellecum. E proyecto ta wordo financia dor di AZV.

Dos docente, sra. Jolijn de Graaff y sra. Angelika Rathes di e estudio pa dokter di cas di Vrije Universiteit Medisch Centrum ta na Aruba pa duna training didactico na 6 dokter di cas trahando localmente. Diabierna 20 di maart y diasabra 21 di maart e dokternan di cas lo asisti n'e training.

Dor di e training aki 6 dokter di cas na Aruba lo ta bon prepara pa entrena dokternan di cas Arubiano, cu recientemente a finalisa nan estudio di medicina, como dokter di cas capacita. E estudio pa dokter di cas aki na

Aruba ta di gran importancia como cu di e manera aki por mantene e cantidad necesario di dokternan di cas. E estudio ta di e mesun calidad cu e estudio di dokter na Hulanda, como cu e estudio di dokter di cas di Vrije Universiteit Medisch Centrum ta sostene e estudio pa dokter di cas na Aruba.

Pa muestra e importancia di e estudio di dokter di cas na Aruba, Minister drs. Booshi Wever dia 20 di maart na Talk of the Town a duna e señal pa cuminsa cu e training aki. Dor di e proyecto aki un cantidad di dokter Arubiano hoben por cuminsa na september cu nan estudio pa dokter di cas na Aruba.

Cu e resultadonan di e proyecto fortificacion di estudio pa dokter di cas na Aruba, Gobierno ta spera cu e calidad den linea di cuidu primordial, esta dokter di cas (eerstelijnszorg) ta ser fortifica y ta garantisa presencia di suficiente dokter di cas.